



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU STRANKE ZA BOLJE GORAŽDE

Broj: 03-07-6-244/20  
Sarajevo, 26.08.2021. godine

## S A D R Ź A J

|   |   |
|---|---|
| MIŠLJENJE REVIZORA.....                                   | 3 |
| 1. UVOD .....   | 4 |
| 2. PREDSTAVLJANJE POLITIČKE STRANKE .....                 | 4 |
| 3. OPIS PREGLEDA I KONTROLE FINANSIJSKOG IZVJEŠTAJA ..... | 5 |
| Predmet pregleda i kontrole.....                          | 5 |
| Cilj pregleda i kontrole .....                            | 5 |
| Obim pregleda i kontrole .....                            | 5 |
| 4. PRETHODNE KONTROLE I REVIZIJE.....                     | 5 |
| 5. NALAZI.....  | 5 |

## MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Stranke za bolje Goražde za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da je Stranka za bolje Goražde prekršila odredbe člana 4. stav (1) i člana 12. stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke za bolje Goražde za 2019. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za bolje Goražde se finansirala iz sljedećih izvora:

| R/B       | Izvori finansiranja  | Iznos (KM)    | Struktura (%) |
|-----------|--|---------------|---------------|
| 1.        | Članarina  | 0,00          | 0,00          |
| 2.        | Prilozi fizičkih lica ( 3-a )                                      | 0,00          | 0,00          |
| 3.        | Prilozi pravnih lica ( 3-b )                                       | 0,00          | 0,00          |
| 4.        | Prihodi od imovine ( 3-c )   | 0,00          | 0,00          |
| 5.        | Prihodi od dobiti preduzeća u vlasništvu političke stranke ( 3-d ) | 0,00          | 0,00          |
| 6.        | Prihodi od poklona ( 3-e )   | 0,00          | 0,00          |
| 7.        | Prihodi iz budžeta ( 3-f )   | 952,72        | 100,00        |
| 8.        | Prihodi od propagande ( 3-g )                                      | 0,00          | 0,00          |
| <b>I</b>  | <b>Ukupni prihodi (1-8)</b>  | <b>952,72</b> | <b>100,00</b> |
| <b>II</b> | <b>Ostali prihodi i drugo</b>                                      | <b>0,00</b>   | <b>0,00</b>   |
|           | <b>Izvori finansiranja (I+II)</b>                                  | <b>952,72</b> | <b>100,00</b> |

U godišnjem finansijskom izvještaju stranka je iskazala rashode u ukupnom iznosu od 3.617,10 KM.

## 2. PREDSTAVLJANJE POLITIČKE STRANKE

Naziv političke stranke je Stranka za bolje Goražde. Skraćeni naziv je SBG.

Stranka za bolje Goražde registrovana je kod Općinskog suda u Goraždu, rješenjem broj: 045-0-F1-13-000001 od 23.12.2013. godine.

Sjedište političke stranke je u Goraždu, 43. Drinske brigade bb.

Lice ovlašteno za zastupanje stranke u 2019. godini je Esed Radeljaš, predsjednik stranke.

Ovlašteno lice za finansijske izvještaje za 2019. godinu je Esed Radeljaš.

Prema podacima iz godišnjeg finansijskog izvještaja za 2019. godinu, Stranka za bolje Goražde nema niže organizacione dijelove.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke za bolje Goražde za 2019. godinu.

**Cilj pregleda i kontrole** je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke za bolje Goražde obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Pregled i kontrola finansijskih izvještaja Stranke za bolje Goražde izvršeni su za 2014., 2015. i 2017. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Stranka za bolje Goražde nije Centralnoj izbornoj komisiji Bosne i Hercegovine podnijela finansijski izvještaj za 2016. godinu, niti je revizorima Službe za reviziju omogućila pristup svojim prostorijama radi obavljanja revizije finansijskog poslovanja, pa joj je u skladu sa odredbom iz člana 10. stav (8) Zakona o finansiranju političkih stranaka, Odlukom broj: 03-07-6-59/18 od 26.04.2018. godine uskraćeno pravo da se kandiduje na narednim izborima (Opštim izborima 2018. godine).

Nakon izvršenog pregleda godišnjeg finansijskog izvještaja za 2018. godinu, izdat je Izvještaj o pregledu sa mišljenjem revizora, nalazima i preporukama stranci da sačinjava godišnji program utroška sredstava i da finansijska sredstva obezbijeđena za finansiranje stranke koristi u skladu sa utvrđenim programom utroška sredstava.

#### **Nearalizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Stranka za bolje Goražde nije ispoštovala preporuke revizije.

#### **5. NALAZI I PREPORUKE**

##### **5.1 NALAZI**

##### **a) Stranka za bolje Goražde prekršila je odredbe člana 4. stav (1) Zakona o finansiranju političkih stranaka<sup>1</sup>.**

Stranka za bolje Goražde nije Centralnoj izbornoj komisiji Bosne i Hercegovine dostavila program utroška sredstava za 2019. godinu.

U godišnjem finansijskom izvještaju za 2019. godinu stranke je iskazala rashode u ukupnom iznosu od 3.617,10 KM<sup>2</sup>.

Imajući u vidu da je Stranka za bolje Goražde finansijska sredstva obezbijeđena za finansiranje političke stranke utrošila bez utvrđenog programa utroška sredstava, prekršila je odredbe člana 4. stav (1) Zakona o finansiranju političkih stranaka.

##### **b) Stranka za bolje Goražde prekršila je odredbe člana 12. stav (4) Zakona o finansiranju političkih stranaka.**

Stranka za bolje Goražde nije popunila obrasce godišnjeg finansijskog izvještaja za 2019. godinu u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 12. stav (4) Zakona o finansiranju političkih stranaka.

---

<sup>1</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

<sup>2</sup> Ukupni rashodi političke stranke iznosili su 3.682,60 KM, od čega troškovi amortizacije u iznosu od 65,50 KM.

- (1) Stranka za bolje Goražde nije u obrascima 4 (rashodi političke stranke) i 4.1 (režijsko-administrativni i ostali troškovi) iskazala troškove amortizacije u iznosu od 65,50 KM, čime je prekršila odredbe člana 21. i 22. Pravilnika.
- (2) U obrascu 5 (obaveze) godišnjeg finansijskog izvještaja stranka nije pravilno iskazala podatke o svojim obavezama, čime prekršila odredbe člana 24. Pravilnika.

Stranka je u obrascu 5.1 (obaveze političke stranke po kreditima i pozajmicama) iskazala da na dan 23.03.2020. godine nema obaveze prema fizičkim licima po osnovu pozajmica, te je u obrascu 5.2 (ostale obaveze) u dijelu u kojem se unose podaci o nazivu povjerioca uz naziv dobavljača iskazala i iznos obaveze prema dobavljaču.

Uvidom u poslovne knjige stranke utvrđeno je da je stranka na dan 31.12.2019. godine imala obaveze po osnovu pozajmica u iznosu od 600,00 KM,

## 5.2 PREPORUKE

*Preporučuje se Stranci za bolje Goražde da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da sačinjava godišnji program utroška sredstava i da finansijska sredstva obezbijedena za finansiranje stranke koristi u skladu sa utvrđenim programom utroška sredstava i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### KOMENTAR:

U ostavljenom roku, Stranka za bolje Goražde nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove  
Sanja Tošović

Šef Službe za reviziju  
Mr sc. Hasida Gušić

Pomoćnik revizora  
Anela Burdžović Kapić